

重修安澤縣志

六冊

卷十一

人物

卷十二

列女

重修安澤縣志

卷十一

人物志

賢哲

孝友

義行

儒林

文苑

耆碩

流寓

釋道

方技附

川嶽鍾靈代生賢哲安澤雖僻壤詎乏英奇哉乃自春秋以來
郤蘭諸公表表一時厥後少嗣響焉豈人不古若與抑文獻無
徵書缺有間與夫潛德幽光均有關於名教褒功揚善正以鼓
勵民風若忠孝若節義若鴻儒碩彥皆足耀日星而壽金石登
諸簡冊山川亦與有光焉志人物

安澤縣志

卷十一 人物

一

賢哲

奮策匡時垂謨裕後廉頑立懦聞風者且百世而相感焉安澤賢哲代不數人然皆實行足錄並非浪得虛名若功業炳旂常而素行無以孚里閭則不書

周

郤芮字子公郤豹子晉獻公時爲大夫食邑於冀故又曰冀芮祀鄉賢見府志

冀缺芮子芮被殺缺隱而耨於冀其妻饁之相敬如賓胥臣攜之歸薦於文公曰敬者德之聚也能敬必有德德以治民君請用之文公以爲下軍大夫後敗狄於箕獲白狄子襄公乃

安澤縣志

卷十一

人物

賢哲

一

以一命命缺爲卿復與之冀崇祀鄉賢

冀克缺子成公二年伐齊將中軍及戰親執桴鼓中流矢血流及履未絕鼓音遂大敗齊師於鞏獲逢丑父將殺之克曰人不難以死免其君我戮之不祥赦之以勸事君者及還公勞之克曰君之訓也二三子之力也臣何力焉沒後謚曰獻子琦爲晉大夫

冀犇缺之從子也景公時爲大夫食邑於襄陵與郤至郤琦齊名時號三郤

戰國

藺相如仕趙趙惠文王時得楚和氏璧秦昭王聞之請以十五

城易趙璧相如奉璧如秦秦王有悔志卒完璧以歸趙王以爲賢拜上卿祀鄉賢

金

許琇科各官職失考事君以忠事父以孝見舊志

楊晉科各官職失考德行文章皆爲邑人所矜式

李民獻辛莊村人科各官職俱軼生有至性事親孝居官時以

德化民多著循聲

苟植立朝有政聲鄉居多義行事蹟官爵俱軼

明

何新西池里人歲貢生官江西道監察御史明允有政聲所至

安澤縣志

卷十一

人物

賢哲

二

之處吏畏民懷清介自持可以範世勵俗祀鄉賢

常執禮和川人建文己卯舉於鄉官刑曹主政夙夜勤慎平反

悉當爲一時堂官所倚賴祀鄉賢

張瑩灣里人永樂辛丑進士初授江西道監察御史剛正不阿

權貴尋陞禮部郎中祀鄉賢

李巽貢士官兵部主事多善政居恆以清慎勤三字爲官箴銘

諸座右告歸後恤貧睦族鄉黨德之祀鄉賢

趙廷伋弱柳村人字鳳岡性孝友幼受母訓好讀書尤嗜春秋

隱居鳳凰山故號曰鳳岡由選貢官遼陽太守陞山東德府

左長史進階四品所在多惠政上下懷服祀鄉賢

趙廷儼弱柳村人晉卿之姪九卿之子也隆慶間以恩貢任通城知縣甫下車即修城鑿池以防苗患戢暴安良以除蠹習不數年百廢俱舉循聲大著尋陞周府審理正秩滿告歸嘗設義田贍宗族出粟米周貧乏里人德之

趙沛字雨華以選貢知陝西眞寧縣旋調直隸威縣知縣任滿撫按會薦陞河南鄧州知州再陞陝西鞏昌府同知性孝友所至多善政士民載德立生祠

趙汶崇禎間歲貢任隴州知州性敏捷有奇才讀書過目不忘居官以德化民幾於刑措終養告歸事親教子孝慈兼盡任繼美本城人貢生官慶陽府府經歷性廉介佐政有聲爲一

安澤縣志

卷十一

人物

賢哲

三

時清官之首祀鄉賢

張志和貢生官壽張縣知縣居心廉潔持法平允講學課士教養備至祀鄉賢

清

趙汝斌字再郁弱柳村人貢士由寧晉縣知縣陞河南開封府同知佐政公廉大著循聲先任西城兵馬司指揮疏請蠲免本縣荒糧並均徭缺額銀肆千玖百餘兩邑民世戴其德宰寧晉時士民感德梓芹宮頌德詩以紀公美康熙五十三年奉文祀寧邑名宦暨本邑鄉賢

任天民字覺寰貢士任四川保甯府南江縣知縣起敝有序撫

殘有法捍城衛民邊吏之首出者解綬歸里恤族睦鄰士林
景仰曾膺薦辟見府志

趙擺字指南拔貢初任湖廣荊州府通判康熙十一年補江西
饒州府通判陞吉安府同知署南康府知府辦理軍務籌畫
盡善招安難民撫綏備至饒民感德立生祠祀之見府志
孫任超字定遠號耐亭孫寨村人生而岐嶷好讀書弱冠入邑
庠旋食餼聲噪鬢序以數奇屢試秋闈不遇遵例由廩貢生
候選訓導歷署徐溝平遙五寨平魯嵐縣臨晉教諭應州學
正長子訓導所至皆有聲乾隆辛亥補授鳳臺縣訓導在任
十三年自奉朴素訓士勤謹性孝友在官之日不忘庭訓以

安澤縣志

卷十一

人物

賢哲

四

親老告養歸時公年近週甲其封翁乃踰八旬依依膝下見
者以爲有萊子風云

馮繼周字效濂馬壁寨人十九入泮名播合郡乃數奇觀光十
次不售以恩貢終爲文由渾厚造成平淡誘掖後進成德達
材因人而施以故從遊者甚衆一生謹飭品學兼優父景星
子興魯皆明經父子七人家無白丁識者謂其承先啟後家
學有自云

張成績字考三五馬村人省立第一師範學校畢業生民國八
年充縣立第一高級小學教員十一年充本校校長任事六
年辦理學務勤勞備至遷移校址擘畫周詳教育廳獎給褒

狀全校學生恭送熱忱校務匾額以頌德教卒以積勞致疾如顏回之年而歿士林悼之

房長奐北平圪台村人博學好善名著鄉里清光緒八年入邑庠時年二十一歲乃負笈至靈空山寺與方丈晴峯禪師切磋數年師江蘇名孝廉也循循善誘由是學業大進戊申貢於鄉潛居北平講學數載從游者甚衆其弟長潤長新皆教育薰陶入學成名其後又至平遙掌教數年以時局變遷遂退居林泉隱而不出迨民國成立被選爲村副辦公以來極盡熱忱監督村人造林修路無利不興而圪台村向無校舍兒童就學不便房君有見於此乃糾合村人於該村東隅購買地基修立校舍十一年開工十四年告竣其間籌謀規畫畢盡心力一時村中振興人材輩出村人感德無由答報乃刻碑立石以表功德云

孝友

祇父恭兄之事賤文而貴質稍加粉飾僞矣故鼎烹致養有不
及菽水承歡者蓋情真者性必摯儀繁者性轉漓也安澤小邑
人多樸陋不文然於孝弟二字頗知講明茲特舉鄉黨素稱人
言無間者書之簡冊以昭來茲云

五代

趙充字盈之本城人事親以孝聞著有孝經十三卷行世

明

趙晉卿弱柳村人以明經候銓司鐸性孝謹幼卽矢志誦讀行
止不苟有古人風與異母弟九卿同居過於同胞視侄猶子

安澤縣志

卷十一

人物

孝友

六

於鳳岡姪更加厚焉鳳岡家貧力學晉卿捐資助讀俾成大
器官至遼陽太守

馬化龍歲貢生官鄜州訓導事親以孝聞親沒不御酒肉者十
餘年萬歷間奉旨旌表祀忠孝祠

張進寶本城人竭力事親色養備至父沒哀毀骨立廬墓三載
人咸以純孝稱祀忠孝祠

王淦焮和川鎮人萬歷歲貢任龍陽縣知縣一歲失怙母李氏
撫育成立年十二歲肄業郡中聞母病星夜馳歸時隆冬單
衣露禱願以身代日夜不眠口鼻出血母病遂愈奉旨建坊
旌表祀忠孝祠

李滿庫早歲失怙事母以純孝稱學道聞其貧贈金給扁以成其志祀忠孝祠

清

范起鳳教授范星鼎之子歲貢生范起鵬之弟也順治十六年星鼎見十數人乘馬佩刀貿貿然來疑爲寇驚懼而竄至河岸將脫履以濟己復從他逸去鳳跡之見履以爲父溺於水大哭泅水求父屍不得慟益甚不能復出遂死於水奏聞敕祀忠孝祠

趙柎邑諸生弱柳村人望江令汝璽之子也事親以孝按台給扁曰純孝可風康熙間奉旨祀忠孝祠

安澤縣志

卷十一

人物

孝友

七

韓瑾歲貢生以孝稱於鄉按台奏聞敕祀忠孝祠

劉允讓羅家山人年十七補博士弟子員性至孝父病襁跪禱於神願以身代父病尋愈後親沒喪葬盡禮廬墓而居感寒疾村人強之始歸人咸稱爲劉孝子云邑令聞之旌其門曰明發有懷

張履中字正甫太學生石壁村人繼胞叔名超爲子超沒奉嗣母胡以孝聞胡染沈疴臥牀不起者數年中奉湯侍藥除穢滌溺皆親任之里黨中以純孝稱焉

左時傑字偉菴上治村人以孫天祥貶贈昭武都尉少敦敏性誠篤事親極孝友黨中有衣食不給者卽酌量周恤迄今鄉

里猶嘖嘖稱左善人云

左世煥字漢章時泰子由貢生署甯武教諭性至孝少時侍父病默於庭中焚香籲天請代聞者奇之居恒服勞奉養無少懈雖溽暑嚴冬不命之退不敢退父沒哀毀特甚附身附棺悉遵古禮里人重之

張福康字泰安太學生本城人性孝友父患骹疾出入康負以行飲食湯藥必親嘗而後進歷十餘年無少懈因父病棄儒學醫以故精岐黃術父沒奉母一如其父鄉閭聞之多所勸勉詩曰孝子不匱永錫爾類其公之謂乎弟居敬邑諸生康友愛之而居敬亦循循謹守禮法云

安澤縣志

卷十一

人物

孝友

八

孫保元字敬甫孫寨村人候選訓導性純孝弱歲失怙哀感行路事母以色養晨昏定省無間母疾奉侍湯藥焚香跪禱如是者年餘岳故僻壤乏名醫保元乃親檢醫書得一方適與症符服之遂痊人以爲純孝所感云居鄉慷慨好義每遇歲荒輒出粟賑濟全活甚衆遠近稱之子志租由拔貢中式光緒己卯舉人

石清仕邑諸生安民堡人早失恃事繼母以孝聞與人處恂恂如也有犯者直受弗與較人有忿爭不相下求直於仕仕一言輒帖服以去其見重於鄉黨如此

趙懷瑾田家子也居邑之唐城村性純孝每自田間歸必親視

其父之膳甘旨之奉無少缺父居別墅隔其家里許瑾每夜問視往返數次必俟其父安寢而後已人皆呼爲農孝子王靈沼字萃鱗邑之高城村人貌清癯長身玉立生而穎異孝友性成幼爲祖母所鍾愛稍長溫清定省敬養備至及祖母歿哀毀幾至滅性葬之日苦次墓側坐臥號泣或竟日寢於墓中水漿不入口者數日搶呼悲痛卽一盂麥飯未嘗見其黑白其事親尤先意承志孝能竭力世居城東四十五里高城村家本小康其父帝輔公疎財仗義樂善好施以故家中落後以貧故入城爲吏厥父母仍村居每半月親負米麪酒肉蔬菜熟食之類步行送家數年以爲常後遇父病而案牘

安澤縣志

卷十一 人物

孝友

九

空惚不克分身每日入步行回家奉侍終夜湯藥躬親味爽又復入城每日行九十里兩月餘無少怠溝壑藁葬未嘗一遇非常人皆以爲孝感所致迨至父母旣歿棺殮葬祭盡力所能爲者不以貧而廢禮厥後每遇祖父母父母忌日以及令節歲時雨晨月夕思念流泣痛哭失聲孺慕之誠七十一年如一日所謂大孝終身慕父母者非歟其於兩弟課耕讀成家室至於再至於三俾各成立而後已性肝膽喜排難解紛生平多豪舉每遇善事義形於色至於濟人之急則奮不顧身出於性生故親族故舊之貧而賴以舉火者數家爲之訂婚嫁續宗祀衣衾棺殮葬埋者又復數十家云民國三年

四月蒙 大總統題褒孝闕增光建坊立碑焉

張兆麟南堡人武庠生爲人孝實樸厚家貧性至孝其祖母李氏二十一歲守節撫孤母邢氏十七歲歸張生兆麟甫週歲夫死氏年僅十九兩世孀居零丁孤苦撫兆麟至於成立後以武生入邑庠每念祖母及母勞苦順意承志未嘗稍拂雖貧窶無他厚養而田家麥飯亦足承歡光緒九年瀘溪楊公署岳篆聞其孝招入署賜之布米以花紅鼓樂導令歸又贈一匾題曰一門節孝云

薛國璋邑之西里人家豐於財事母以孝稱其村傍沁河爲往來衝要璋每外出至暮必歸未嘗隔夜恐煩母念也一日璋

安澤縣志

卷十一

人物

孝友

十

催租他所遇大雨馳歸及河則山水暴發波濤洶湧爲所阻璋目駭心驚遂返轡行擬他適繼思若弗歸恐母愈滋疑於是仍復前進縱馬下河未數武蹏忽陷浸溼衣鞍璋驚懼間馬忽蹵起一躍而過竟達彼岸璋如醉如癡覺身在雲霧中此與漢昭烈檀溪躍馬之事相同其中殆有天焉璋歸述所遭母子相慶土人因名其河曰孝子河至今傳爲美談云

胡夢清邑之張材村人寄居城內性至孝家貧嘗傭力以供母母病疽親爲敷洗日數次蹠躩牀頭凡諸瑣務男子所不能代者輒以一身兼任歸道邑令楊公聞而賢之邀入署贈之花紅以勵至行云

李小秦邑之孟家庄人業農性至孝山居多虎豹患一日豹攫羊而食其父某操戈逐之小秦尾其後適觸豹怒直立撲其父山巔險隘騰拏間遂銜人傾跌峻崖高幾兩丈小秦急火中燒奮身躍下直前握豹之兩耳用全力相搏按之伏以身壓其上疾呼鄰人往救羣操畚鍤至亂擊始斃之比扶其父已慘遭非命小秦搶地呼天痛不欲生經鄰人力勸始歸鬻豹肉祭其父貨皮得價悉以供喪事而其頭部及手腕均有爪痕裂傷心悸神疲面無人色病經月始愈

崔萬義冀氏里之蘭村人家貧務農事母至孝每日日出而作服田未半輒意歸親操中饋爲母進膳蓋恐妻烹調失宜也視

安澤縣志

卷十一 人物

孝友

十一

膳已復往事田疇一出於誠不解粉飾歷久未嘗稍懈雖無甘旨奉而菽水承歡家庭之間怡如也邑令楊公贈以酒肉以資頤養云

喬廷楹北關人太學生少失怙兄廷綸亦幼家中落賴寡母紡績度日以撫二子公年十六年因家貧始經商關中十餘年積百餘金念親老旋里肩挑經營不敢遠游事母至孝色養備至處家庭事兄以恭家少裕積勞成病卒至不起公性慷慨好善凡里中婚嫁喪葬無力者莫不罄囊相助至修橋補路猶其小焉者耳如北平關帝廟城南北關觀音堂重修募化公之力居多晚年家道豐富教訓諸子成人長逢源增生

次逢霖歲貢生三逢泉附生四逢沼武生孫數人皆善治生人以爲盛德之報云

附生宋之杭字葦~~防~~張家溝人三歲失怙事母至孝晨昏定省無間里中以純孝稱焉賦性謹厚以誠信著於鄉生平廉介自持取與無苟嘗以學吃虧三字教諸子可以覘其大凡矣讀書有心得以村中無義學貧民子弟無力從師因自設學塾凡里中子弟無力就學者招之教授十餘年從者甚衆遠近學者皆以家先生家學稱焉光緒三十二年母沒灰心進取家居教子孫耕讀頗有箕穎之風云

劉振聲邑之辛佛村人也謹慎敦厚性至孝事親色養備至晨

安澤縣志

卷十一

人物

孝友

十二

昏無間二老年高多疾恆侍左右不入私寢者十餘年鄉人重之其敬兄愛弟人無間言姪致中視猶己出培養成人由廩膳生選宣統己酉拔萃科皆其叔力也論者謂其足慰乃兄於地下云

李春華字笑山清增生西池里沙溝村人性篤孝生未週歲失怙母張氏孀居幼讀時每見其母辛苦輒悲啼不止遊泮後居家奉母色養備至出告反面以爲常後以母老多病遂留心醫學湯藥備出己手母嘗患便秘每以手指探糞不以爲污母歿哀毀盡禮既葬每屆清明必親詣拜墓述及母氏生平辛苦則放聲悲哭不能自己嘗曰吾一息尙存難忘吾母

也其終身孺慕如此

黨立功北平村人天性孝友秉賦仁慈雖終窶且貧善能菽水承歡與其弟友愛誘掖攻苦終令讀書成名由奎文閣典籍鄉學各界恭請上憲恩賜德重儒林匾額以彰有德

孫耀祖字熠光孫寨村人清儒學生員生而穎悟性純孝五歲失怙隨乃兄煥祖等守制即哀毀成禮宛如成年識者多奇之讀書能深求義理弱冠遊泮聲噪黌序以母楊恭人節凜冰霜一意色養備盡子職清光緒三年歲大禋地荒租減家中落催科者恆踵門公戒家人嚴守秘密勿通恭人知每遇恭人休息公木立守候約子女勿譁言子女習以爲常事雖

安澤縣志

卷十一

人物

孝友

十三

急鮮敢告者恭人病公親嘗湯藥衣不解帶數十日如一時至日常經費入必告出不預聞曲體親心無微不至生平不喜交納惟慷慨好義施捨不吝或修廟或濬渠或活路丐或濟窮旅事實具在昭人耳目論者咸以鄉先生稱焉惜數蹇卒年僅四十有四

李熙椿字壽軒本城人從九職銜少失怙恃胞兄耆賓熙樾公撫養成年娶張氏例贈孺人廩生克寬公四女賢而有德公因家貧失學務農度日恆以不及身事父母爲憾以故每逢節序暨紀念日飭兒孫供獻事亡若存胞兄熙樾公既就衰公事之如父敬養備至兄年四十有九得怔忡症夜則驚懼

不寐公與連床不歸私室所謂姜家同被不是過也清明掃墓歸病加劇而能食公爲羅珍錯備甘旨一味之新莫不畢具公嘗言猶憶兄病時欲食羊雜會新白沙菓適岳無是物黎明即起赴洪洞蘇堡購之往返百餘里以備晨餐力疲足瘦不以爲勞熙禋公歿每飯思兄輒泣不能自已所謂難兄難弟兄愛弟恭者公當之無愧色矣公秉性剛直憐惜窮人好施與推食解衣無不立應晚年家道豐富教訓五子成人長聯科清庠生獎五品職銜候選府經歷次聯元庠生三聯登庠生獎五品職銜四聯敬文童生五聯珠國子監太學生孫七人俱大學專門畢業曾孫六人亦中高校畢業者人以

安澤縣志

卷十一

人物

孝友

十四

爲孝弟之報云

宋瑛字玉堂城內人邑廩生賦性孝友幼友愛調護如親弟公子爲衆多繼母賀氏恐親生幼子受累意在分炊但因公奉養有狀不忍明言公有見於此能善體親心遂邀請親友分炊分炊之日一切家資任由繼母擇取君謙讓推解毫不爭執且無難色蓋公以父母之心爲心能順母之意即不致傷父之心因之鄉里中稱爲孝友兩全卒年四十四歲

常世德字子厚石渠村人清歲貢生五品銜自幼家貧喜讀書過目不忘其父四十失明母至賢衣短食缺不辭勞瘁事夫而外兼教其子世德與其弟世禎讀書成名均列膠庠母氏

之力爲多公長孝事雙親人言無間後家道豐裕不以封殖爲能清光緒二十六年歲荐饑周急鄰里全活甚衆才敏瞻頗能詩邑令張樸園太史每公出和川常與唱酬猶記其村居詩云石徑通幽處居然可隱棲水環山路斷山壓屋簷低耕讀移諸子家常付與妻置身天地外高與逸民齊古樸澹泊可以想見其人矣

常丕顯字文模石渠村人其父世德與拔貢劉致中廩生劉寶鎔之父同考入學丕顯與二劉三人同庚亦同考入學父子兩世功名聯翩亦佳話也性孝友正直端方任該村村長時編查戶口以清盜源其他吸煙嗜賭游手無賴一律禁止肅

安澤縣志

卷十一 人物

孝友

十五

清以故人稱該村爲模範村云

王之濬字筱文原籍永樂里高城村人現家城內庚子歲貢生分發委用訓導五品銜義賑五等金色獎章爲人忠誠懇摯孝友篤實善事親以孝聞晨昏定省色養備至孺慕之誠老而彌篤其於兄弟諸姊妹維持愛護無微不至蓋其孝友出於天性無僞飾無勉強有不期然而然者以故數十年如一日焉生平見義勇爲好善若渴布衣粗食自奉甚薄見一好事出重貲不吝初爲女校校長講習所教員所得薪俸或修理衙署房舍或補助地方公事未嘗一文入己與人共事則錙銖不苟生平待人以誠處己以謙其爲戚里族黨營喪葬

完嫁娶排難解紛赴災急難之事不可枚舉有非尋常流輩所能及者蓋其讀書所得以身體力行實踐爲主要凡事在天理上嚴去就在良心上著工夫講心學不言勢利古人所謂鄉先生歿而可祭於社者公當之無愧色矣其爲學自就傳以迄暮年作字端楷一筆不苟爲文雄厚有古氣平素不輕落墨每一藝成斬釘截鐵蓋稟性剛果文如其人諒哉清光緒二十六年歲大稔公同邑紳李瀛仙張少侯石韞玉諸先生放賑捐滴及民全活百姓無數是年夏拳匪亂焚殺教古教民有賀氏婦人教民也匪誣以井中投毒欲得而甘心焉婦逃匿公家拳匪索之急公以無故殺人須償命勸釋婦

安澤縣志

卷十一

人物

孝友

十六

匪怒羣持械至公門與公爲難公亦聚衆戒備之始紛紛作鳥獸散公生性慧直凡事認真如督修城工辦理一切公事清理賑目甚至積勞成疾可以見其爲人矣高城村宗族祭田前以歲荒典質殆盡公積銖累寸悉力贖回儲蓄漸成巨款迄今子孫祭祀讀書不惟不虞虧累而且共沾餘潤其敬宗睦族尤有足多者焉公嘉言懿行楮墨難罄輯有訓子格言善行錄一書藏於家享年六十八歲而終子三長天培山西法政學校并育才館畢業歷任安邑猗氏曲沃翼城等縣實察員現任禁烟考核處第一股股長次心培外國文言學校畢業山西軍省兩署驗收處主任現任山西統稅太原管

理所事務員三理培第一高等小學校畢業充城關市街長
以辦理村政成績卓著獎給金色雙穗獎章又任差徭局局
長

義行

義之爲用廣矣哉禦災捍患取義成殺身之仁救困恤貧仗義有疏財之舉雖激烈在一時慷慨在一事而其光明磊落之概有足以動天地而泣鬼神者前賢芳徽俱在後人景慕難已百世而下庶有聞風興起者乎

明

樊進學邑人職守備明末流寇盤踞白素村學奉縣命領兵壯數人衝入賊營衆寡不敵遂戰死入忠義祠

樊光裕進學之子學陷陣裕挺身救父同遇害入忠義祠

段光彩周三光俱邑人職千總明末流賊屯聚冀氏山中段周

安澤縣志

卷十一

人物

義行

十八

奉縣令勦除遇害上憲給銀遣葬入忠義祠

王宗璽以生員改職守備賊竄至和川鎮璽率鄉勇禦之力戰死入忠義祠

李茂彩夢辰姪流賊犯辛莊彩禦之彼圍遂登屋賊操矢射之紛如雨彩撤屋瓦以擊之連斃數賊賊愛其驍勇欲掠之行彩罵不絕口被創甚劇而死入忠義祠

邢一科賈良薦俱古縣鎮人授本縣千總遇警二人督率鄉勇頻截賊尾一日賊計誘鄉民入山二人當前力戰令衆奔走遂陷陣死入忠義祠

趙瑛弱柳村人歲貢生性廉潔時同族被盜瑛赴府認贓本財

之外有白金十數斤公曰金無跡據何敢妄取固辭不受又
平民被賊誣攀者五六人瑛皆力白其冤太守嘉瑛賢以鼓
樂花紅送歸後官鳳陽檢校宦囊常空其廉介如此
趙九卿弱柳村人賦性方正氣度軒豁崇儒重道見義勇爲樂
善不倦邑令書善人扁榜於亭春秋高奉詔恩賜壽官錫賚
甚厚兩舉鄉飲大賓

清

王天寵歲貢生任太原府榆次縣訓導性正直有彥方風曾爲
協濟仁義驛夫馬具稟陳情與民除害控理數載始勒石以
垂久遠闔邑戴德

安澤縣志

卷十一

人物

義行

十九

趙瀛汝斌汝璽父也性寬厚好行善事鄉里有貧不能婚葬
者竭力周之居鄉和氣迎人無少忤鄉里賢之

李璋邑諸生辛莊人性慷慨能任大事康熙五十八年因仁義
驛額外驛馬受累璋稟控上憲革除精弊每年省草豆銀百
兩里民感其義立碑志之碑在關帝廟前

宋壽昌字仁符本城人性狷潔一介不苟少爲里社長經理錢
鈔無私染以故人皆器重之有他鄉賈客由豫來岳信宿其
家寄金二百而去閱年餘無耗壽昌首於官移文稽查迄無
知者乃以其金修補煉石橋知縣李希軾額其門曰潔志可
風由是鄉里嘖嘖咸稱爲公直義民云

李繼學號聖則辛莊村人以例貢官浙江嘉興主簿署杭州府同知爲人內敏外重意氣淳厚任嘉興時豪族多怙勢庇盜學嚴刑禁治閭閻又安權抗州時值歲饑學發廩賑貸全活甚衆告歸後益行善事捐地頃餘以爲書院膏火之資又於西山創開要路一條以避泛漲人多便之

常鉞字鼎若石渠村歲貢生性慷慨好施與里黨中有婚葬不給者輒資助之喜讀書淹貫經史博古通今爲文雄沉豪邁有上下千古之識曾爲學使所器重又與其弟錄字升若者創建石渠義學延名師設膏火凡村中之貧不能讀者悉賴焉遠近學者皆以鉞爲矜式云

安澤縣志

卷十一 人物

義行

二十

左時泰字凝遠太學生上治村人性豪爽以誠信著於鄉讀書識大義凡曲直不相下者得泰一言無不欣然悅服平居好施予見貧窶者恒酌量周恤相傳有許村某以年饑鬻其妻若子適泰過聞哭聲詢得其情即代償鬻價俾一家完聚而去泰無吝容亦無德色後遵例舉成均善事益力爲之以子世煥貴誥奉修職郎

左世安字建候號恭卿時泰侄誥封昭武都尉幼謹厚嗜經籍嫻當世務早歲失恃事繼母以孝聞平居慷慨好義有乃父風凡貧民之貸者無弗與與不責償嘗捐金修廟宇購祭田親友中有不能婚葬者給以資以故鄉人皆德之輯有博古

便覽芸窗瑣記名宦記畧寰海人物考等書藏於家
王名揚字仲遠庠生本城人慷慨好義濟人之急雖千金弗吝
也性沈而有謀畧善營建邑之修城濬池修葺廟宇諸大工
皆經理之又善排解閭黨中有不平輒就質焉有鄉人某負
其鄰百金貧莫能償鄰人訟之被拘歲暮不得歸名揚代償
其債且厚恤焉卒年五十有七無子以侄王德貴誥封武信
騎尉

孫乾元字一清孫家寨人由貢監例授州判陞用同知性孝友
幼失怙哀毀盡禮儼如成人諸弟皆幼弱乾元躬親撫育教
養兼備居鄉多義舉里黨中有困乏者輒周恤之從無德色

安澤縣志

卷十一

人物

義行

二十一

人稱爲道德君子

孫甲元字乙選乾元之弟生而穎悟氣宇軒昂七歲失怙事母
以孝聞弱冠讀書明大義不爲章句之學工律詩出入紀吳
之間生平廉介自持取與維嚴貧者周粟病者施藥濟困扶
危嘗以學吃虧三字爲座右銘道光間捐助河工援例授巡
政廳後以覃恩誥贈通奉大夫

邢俊字章民五馬村人宋學士曷之後由浮山遷岳性孝友慷
慨好義與人交無城府喜讀書有古君子風少時失恃事庶
如嫡數十年無間言因家務紛累棄舉子業援例議叙衛千
總生平利濟爲懷親友有急資助之無德色負債者欠數千

緡貧不能償遂焚其券家雖素封未嘗以富驕人子三長鼎
銘廩生次几銘附貢生三新銘由拔考國學教習期滿選授
教諭孫六長天叙食餼次天祺宣統己酉拔貢羣以爲鍾德
之報云

張天保字壽安石壁人衛千總公正無私好面斥人非有彥方
之目家豐於財有以急告者周之不吝其子佩環姪佩琳登
咸豐乙卯武榜孫文耀由廩生中式光緒乙亥科舉人

段爾猷字福林以字行高莊村人依舅氏遷居古縣鎮貌魁梧
性磊落不善治生業幼嫻武事居恒慷慨自負有遠志成豐
三年匪亂竄至鎮脅之猷罵賊不屈遂遇害邑人薛鈞有輓

安澤縣志

卷十一 人物

義行

二十一

段策臣死難詩策臣即猷號也

段爾魁字汝梅高莊人議叙都司性孝友弱歲父見背母弓氏
訓頗嚴得以成立家故豐裕而慷慨好施咸豐五年歲饑出
粟三百石以周貧乏一方賴以存活同治十年捐入邑書院
租粟百石以爲鄉會寶興之資光緒四年大稔復捐粟五百
石以助賑邑令唐公旌其門曰年高德邵入忠義祠

張世隆店上堡人太學生性慷慨仗義疎財每遇歲荒輒出粟
賑饑又於村中設立義學延名師教授凡里黨中貧而無資
者皆得挾冊就讀書焉晚年邀集親友免佃夫欠租千石焚
逋戶債券百張感德者匾其門曰德重一方子二長惕國學

生次慨議叙八品

孫鴻誥字命三邑廩生孫寨村人性忠直品行端方其父噉聲公在日鄉里貧乏借貸甚鉅漸至積券盈篋至公按名索討多不能償悉焚之生平勸善戒惡孜孜不倦公歿里之人每一念及猶潛然淚下子時達性至孝晨昏定省色養備至人皆謂公之積德昌後有自來也

苗作字東興西池村人清國學生秉性慈善家稱富有光緒三年歲大侵人相食君出粟賑濟全活其近族苗倬苗繼先兩家二十餘口其遠族及諸親友沾石斗升合之潤者不計其數至二十六年歲又侵君又出積粟以賑之遠近受其惠者

安澤縣志

卷十一

人物

義行

二十三

甚多子二皆聰穎好學早殤君享年八十有七臨終時二子無一存者易曰積善之家必有餘慶君其有宿愆耶何報施之左也吁可慨已

樊玉慶樊家莊人清咸豐七年充西池里總老時值歲歉大眾無力完糧縣署催迫甚急下鄉催收分文不得勢出無奈遂將自己房屋田產全行質押合里五百餘兩糧銀悉數掃清里人感德均將欠糧漸次償還經知縣事丁公額其門曰意完公賦

張兆基字厚齋南堡人武進士慷慨好義光緒三十三年捐入學堂白素村地一份以爲興學之資學使旌其門曰公德可

風

張文煜字少侯石壁村人清千總五品銜民國十年捐入本村國民學校基本金大洋五百元鄉人義之

趙堂敏永樂村人民國十年捐資二百餘緡建築本村橋樑一座又捐大洋三百元作為該村學校基金蒙省長獎給利濟行旅仗義疎財匾額各一方並二等銀色褒章邑人孫林生撰碑記豎於橋頭以垂永久而彰有德云

劉建中字于民棗林莊人第一高等小學校畢業生性寬厚仗義疎財因鄰莊學子求學困難遂解私囊捐錢五百緡設立初級小學校一處教育廳長獎給二等銀色教育章縣長陳

安澤縣志

卷十一 人物

義行

二十四

公懋獎給學海慈航匾額以資鼓勵

賈文光字斗垣西莊村人清生員民國八年充古縣鎮團總並村長多年捐入本村國民學校基本金大洋一百四十元省省長獎給嘉惠士林匾額二等銀色雙穗獎章

張鳳成北孔灘村人天性好善晚年尤篤以村近大道車路既通壑坡龍巖寺石廵一帶地勢險阻有碍通行乃出資二百餘元一律修成坦途使山徑之蹊間介然用之而成路享年八十而終人以爲好善之報云

范清和字維夏和川村人好善樂施仗義疏財民國十年曾解囊捐資以救災民省長獎給惠濟災黎匾額並金色雙穗章

常光明石渠村人民國十七年歲稔飢民嗷嗷待哺常君輸粟百餘石賑濟災黎鄉人義之

趙重道字性之安民堡人清監生光緒三年大稔人相食公辦理賑務至公無私每遇鰥寡孤獨輒向縣令請粟賑濟之以勞績卓著蒙撫憲奏獎六品銜後又督修文廟明倫堂城垣諸工一身仔肩始終不怠縣長張公旌其門曰足資矜式慶衍箕疇享壽八十五歲卒若公者洵可以風矣

李名標字紫侯張莊村人清武生豁達有才思弓馬嫻熟教授鄉里洪安兩縣出其門下者難更僕數光緒三年歲大稔襄辦賑濟不憚勞瘁以辦賑出力獎給五品頂戴二十六年歲

安澤縣志

卷十一

人物

義行

二十五

又饑委赴河東領賑回縣後在府城鎮一帶散放饑民賴以存活其他督修縣城南北門城垣衙署諸工程擘畫周詳勞怨不辭迄今無不稱讚云

張清佐字佑卿本城人清歲貢生候選訓導賦性聰穎體度清華其祖泰安公性孝友以父病棄儒學醫精岐黃術公克繩祖武遂世其業亦精於醫治病能見癥結求醫者無貧富皆應光緒十四年同邑紳李名標王之濬等修理城工勞怨不辭人有爭訟曲爲調解爲人謀事忠而竭力處家庭和睦寬厚未嘗以苛刻待人惜天不假年四十五歲而歿士林惜之石璽字韞玉安民堡人清生員性情和平遇事直爽事父母以

孝聞鄉里有爭輒爲排解寢息以故人皆稱賢光緒二十六年歲大祲我邑十室九空饑民嗷嗷待哺石君襄辦賑務異常出力蒙獎給五品頂戴惜享年不永僅四十四歲而卒郭霖字潤生城內人清歲貢生先家城內誘掖後進多所成就後移居和川鎮以分辨和川鹺務起家舉充村長辦事公正勞績卓著合鎮公製公正廉明匾額以頌德卒年五十七歲邢天祺字少商五馬村人清己酉科拔貢前辛酉科拔貢邢新銘之子也才敏捷善書法性情溫和能吃虧民國元年充縣議會議員兼文牘後又充女子小學校校長才德兼優克盡厥職與鄉閭中人處事不佔便宜其祖原係富戶之家有遺

安澤縣志

卷十一

人物

義行

二十六

留山莊荒地近年以來田闢值昂多爲惡商所霸持邢君只將話說明與之則取弗與之亦不過問故鄉黨中咸稱爲能吃虧之老好人卒年

張敬書字簡侯唐城村人歲貢生賦性篤實立身正直少時勵志求學博覽羣書通諸子百家之學泊乎晚清見舉世亂離士夫若狂公獨善其身不圖宦達乃家居潛研醫理兼究針術由是醫學日進四方延之者門若市一經公診無不立奏回春縣人以術轉天心製匾頌之民國初年被縣人推舉充商會會長興辦商務計畫周詳著有成績後返里被選本村村長襄辦村政興公益濟貧困排難解紛不遺餘力時值魯

豫遭災饑民逃亡嗷嗷待哺公慨然出糧粟數十石以濟災
黎上峯聞之給與濟急扶危匾額一方銀色麒麟褒章 座
以示嘉獎然公未嘗以此爲榮蓋公平日存心淡泊立志清
廉出斯義舉乃人類之天職非圖顯耀也卒年六十有九迄
今鄉人追憶公之懿德莫不交口稱贊云

張遵德字性天唐城村人簡侯公之長子也年少負有雋才不
喜文墨酷好武術及長從師訪友學技擊數十寒暑各門藝
術皆精通於戈矛手術尤擅長故四方義俠喜好武術請教
者踵相接惟君虛己下人未嘗以師自負也且賦性慷慨豪
俠好義有乃父風濟人之急未嘗稍形慳吝嗣被舉爲村長

安澤縣志

卷十一

人物

義行

二十七

從公勤慎所辦壯丁保衛團防禦匪徒成績昭著旋以辦公
地址狹仄集會不便乃於佛廟之側創建自治公所一處伊
時民智不開凡公益事率多裹足不前惟君不辭勞苦獨任
艱巨煞費經營始克落成因此積勞成疾卒年僅四十有四
所遺自治公所迄今村人戴德擬建碑頌功以垂久遠焉

黨人秀北平村人清從九品職銜天性友善慈愛爲懷少因家
境艱嗇輟學務農勤苦儉約漸致阜康然輕財尚義不屑屑
於自殖每有饒餘輒隨手散去一以濟人利物爲功故其行
誼實有過人者凡遇公益善舉如修治道路建築橋樑捐金
施資惟恐不瞻其他賑災荒救急難撫孤恤嫠罔不引爲己

任苟利於人巨細不吝力所能及劬勞不辭故黨君仁慈素著於鄉閭者非偶然也光緒年間有靈石僧人何道通路經該村忽生疾病村人咸畏避之黨君毅然延至其家濟以醫食延數日竟卒黨君念遠方溜流無人照顧遂衣棺殯葬並通信伊家搬櫬又沁源人李長盛因遭荒年一家數口嗷嗷待斃黨君遂給與糧食二石全活一家其妻唐氏亦慈善賢淑恭儉寬仁孝事翁姑更能承順夫志撫孤恤寡周貧濟急光緒三年歲大稔饑民載道氏節儉衣食量力周濟全活甚衆有族姪黨斗發幼失怙恃唐收養至宗待如親子訓誨成人娶妻授室其他遠親近族賴氏生活者實非少數該氏積

安澤縣志

卷十一

人物

義行

二十八

德昭彰生男四女四孫甥三十餘人夫妻壽臻耄耋若非賢孝何克致此鄉人以其夫婦善行聯名呈請省長給予仁慈好善匾額以彰功德若黨君夫婦誠不愧爲慈祥愷悌之佳偶焉

雷發慶平遙縣人清武生爲人慷慨好義自幼從其父寓於和川鎮務農爲業凡修橋路建廟宇等事無不竭力捨施以襄善舉該鎮舊有叢葬墳一所歷年既久地中骨骸滿無隙地遇有乞丐道斃未能深埋往往暴露雷君慈悲心切於光緒三十一年購地八畝作爲義塚自此道路死者有所歸宿友人梁鴻治家貧甚雷君周以衣食並爲梁父子積資使營商

務卒能成全一家生業皆雷君之力也凡親友有急資助之無德色有欠債貧不能償者遂焚券故一方人士咸稱爲雷善人焉

趙秉乾河南客民住孔灘村因沁河漲發獨砌橋梁一座以利行旅名曰行善橋

王天位山東東阿縣人因逃荒來安住東左村家貧有志民國十八年春路經雙廟拾大洋一百九十元坐待失遺者至如數奉還王某室如懸磬竟拾金不昧見利思義實屬晚近中不可多得云

李芬辛庄村人太學生富而好義清光緒十三年捐資助修城

安澤縣志

卷十一

人物

義行

二十九

工又時值歲歉出粟賑濟饑民蒙岳陽縣正堂舒獎給急公好義匾額以表義行

楊生寶下庄人少寒微既長勤儉持家遂臻饒裕歷充亢驛村副三交村學校管理辦學數年熱心整頓集基金五百餘元以維永久鄉人重之縣長張獎給鄉閭矜式匾額以資鼓勵房寶祿圪台村人通醫理充村副數年熱心公益創修本村學校一處花費數百元籌集款項煞費經營村人感其義爲刻碑以誌功德云

任爾一字仲純城內人就職修職郎候選教諭性情軒昂豁然大度孝友之聲名溢全省自方面以及邑尊莫不納交恐後

又善治家兼好辦公益事凡合門田產暨邑中創建廟宇修治橋樑道路皆出其手解囊樂助一人獨支如霍陽書院城隍廟火神廟五馬灣開鑿石崖新道府城西門外石橋均有碑記可考享壽七十歲卒

劉致中字和齋棗林莊人清己酉科拔貢分發河南直隸州州判工書爲文按部就班春容大雅性淡泊不慕榮利退居鄉里恬然自安民國元年被選爲縣議會副議長旋又陞爲正議長辦理地方公事廉潔爲懷一介不取嗣又充女子小學校校長循循善誘務求實踐女校振興實始於此通醫術未嘗以術自炫愛行善事鄉里有無力婚葬者恒資助之如

安澤縣志

卷十一

人物

義行

三十

劉君者可謂淡泊明志自治有方焉卒年五十歲

李登雲本邑喬岳堡人性義勇寡言語七歲失恃事繼母以孝聞繼母愛如掌珠君好學不厭十六歲應童子試列前茅因國際交涉止考遂退歸田里民國三年浮邑匪首陳彩彰倡亂擾安特甚君痛心疾首身充警士於四年五月二十七日帶領警兵十數人剿匪尋踪追跡日不暇食夜不安枕是夜適與陳匪相值君身先士卒開槍轟擊旋以衆寡不敵股部着彈及返至古陽村其弟青雲見狀痛哭君呵止之曰大丈夫效死疆場馬革裹屍分應爾也何哭之有越日以毒氣攻心而卒至今言之猶凜凜有生氣焉

儒林

通天地人而後謂之儒非第曰冠儒冠服儒服已也安澤小邑少博學鴻儒然敦品勵行蓄道德而能文章者尚不乏人圭璧之躬冰淵之行斯亦足爲學者法已

明

辛音張莊村人永樂乙未進士任吏部觀政性甘澹泊潛心經史有文名退食之暇獎勵後進非周程張朱不以言歸嘗教授鄉里從游者多知名士著書數種散軼未梓士林惜之張景字仰之瑤峪村人宣德乙酉薦於鄉官井陘教諭性鯁直廉介勸課多士寒暑不輟有貧者恆資助之爲文清真雅正

安澤縣志

卷十一 人物

儒林

三十一

咸推爲理學正宗

李夢辰字魁垣辛莊人崇禎元年貢生任四川維摩州知州而而好學於經籍子史諸書靡不搜羅或重價購買或鈔錄成帙手披口吟至老不倦訓迪後進皆從小學入手沐其教者多成名士居官殫力籌國潔己愛民閩豎德政碑蜀留甘棠愛皆紀實也解組歸里纂修邑乘一時著作多出其手士林重之

清

范星鼎字鑄九金堆里人順治元年恩貢任陽和府教授爲人厚重端方言笑不苟博通經史尤精性理從游者甚衆

李振世字公旃辛莊人歲貢生候選訓導性和平而有介節好讀書不以榮辱繫懷善屬文試輒冠軍居恒以程朱子學教授生徒行規步矩務期實踐士林咸推重焉

劉三重字靜軒羅家山人恩貢生博涉羣書過目即能背誦一時文名籍甚居恒以程朱之學誘掖後進沐其教者不下百餘人晚年益精於性理之學嘗語人曰吾少時閱康熙字典一過即了了其中典故註釋今猶不忘其博學強識如此壽八十七歲著有韻學釋義方言證謬待梓

趙賡揚字希皋中堡人歲貢生幼而孝謹嚴正誠慤好學不倦治身以儉德先不尚浮靡讀書多心得課徒嚴而有方以多

安澤縣志

卷十一 人物

儒林

三十一

讀經史爲根柢故從之游者多嗜古知名之士官甯鄉訓導時立條約勤月課崇實黜僞一以白鹿洞學規爲準子重信歲貢候選訓導重文恩貢分發試用教諭重章拔貢候選直隸州州判識者謂其教授有自云

趙炳烺字文明中堡人歲貢生性敏而訥於言安貧樂道粹然而儒行者也工書法得顏歐神理隱居不士教授鄉里遠近咸欽其德義故門下士最衆晚年精堪輿之學著有縣治來龍理氣圖說一帙言縣治利病綦詳其書經十餘年而始成蓋亦頗費苦心矣

李成香字藻舫喬岳堡人恩貢生謙冲質樸有古人風所學以

理道爲宗不屑爲章句之儒在邑教授生徒幾三十年人未見有怒容蓋敦厚長者也

劉步青字衢亨凌雲人性誠慤貌淳樸有古君子風治家嚴肅雖豐於財子侄輩無敢華服者動必以正言笑行止俱不苟爲文按部就班一步一趨如其人然由恩貢任絳州訓導獎勵後進一步先正典型爲準則有朝之者曰遵古炮製其言似諷其實不沒公之實也里人咸愛敬之以爲長厚可風云子文在廩貢生

左天成字韶九上治村人貌魁梧性豪爽鬚長過胸聲如洪鐘見之者肅然起敬生乎無私謁無請託品學兼優齒德俱備

安澤縣志

卷十一

人物

儒林

三十三

由附貢生歷署大同教諭及靈丘陽高崞縣陽曲並嵐縣榆社沁水解州等縣訓導所至有聲人不敢干以私後卒於晉省旅邸年七十有四子逢源分發直隸試用巡檢聞訃奔喪至則居停已瘞之矣擇日啟壙扶襯旋里抵家家人咸疑有誤因啟視焉面如生疑始釋遂易棺木改葬云

張文耀字魁垣石壁村人光緒乙亥恩科舉於鄉丙戌充咸安宮教習咸豐乙卯兄弟同榜佩環之子佩琳之侄也品行端方學識宏通雖豐於財從未以富貴驕人由大挑知縣分發河南守正不阿廉潔自持有古君子風僚友雖欽其正未嘗不嗤其迂在汴一十五年並未補一缺署一篆僅得差委數

次公殊不介意抵差所多惠政民咸以張善人呼之信陽之役州人送高脚牌及傘公正廉明慈祥愷悌惠周行旅澤被商民此州民感激記頌德澤之實蹟也年六十四卒懷慶旅館其弟把總五品銜蠶桑局局長文煜遣其僕扶櫬旋里焉趙重信字子成安民堡人郡貢生相貌魁梧學問淵博文章詞賦峻絕當時每試必冠軍性豪爽不拘城府有求輒應每爲人捉刀從不作弟二人想一故聲名藉甚住晉陽書院十餘年文譽翕然土林中無不知趙子成者光緒初大憲命修山西省通志聘洪洞王顧齋先生主其事邀公同往任編纂晉乘告成公與有力焉六年重修縣志邑侯唐小台由省敦請

安澤縣志

卷十一

人物

儒林

三十四

歸著作編輯公以一手綜其事書成申送上憲合省通校岳志名列第二公之學即此可見一斑矣生平著作甚多然名士風流隨手輒散去不爲意故身後多無存運極蹇試於鄉十薦不售以明經候選訓導終卒年六十五歲捐館於平陽某紳家訃至岳識與不識聞者靡不痛惜焉

孫淦元字麗生孫寨村人太谷縣教諭中書科中書任道公仲子也公生而岐嶷磊落有特識讀書不驚虛名肆意秦漢手不釋卷性嚴毅子弟勿敢譁於堂以急公好義例授昭武都尉候推都司職束身自好杜門不預外事晚年尤嫻於史學手著家訓數十篇嘗曰吾以此遺子孫矣卒年五十有三歲

生五子長炘祖附貢生卽用巡政廳次煥祖布政司理問三
焰祖早卒四焜祖太學生五耀祖儒學生員

任鶴齡字壽菴城內人由恩貢生任河津縣教諭有政聲性沉
靜喜怒不形於色持家勤儉孝友爲懷富貴貧賤不二其操
在任時訓迪士子先器識而後文藝更勤於課士以致人文
蔚起蜚聲藝林解組時閤學門下士恭製滿幅儀仗龍門儒
宗匾額遠道賚送來岳云壽八十歲卒

文苑

不朽之三立言與德功並重言之不文行之不遠文顧可漠視乎故黼黻承平文章實華國之選經綸宇宙文學宏濟世之謨字挾霜聲擲金石榮世壽世胥於是乎在也

明

孔昭字彰甫邑之南關人永樂癸卯舉人任華亭縣知縣多惠政博學工詩公餘輒校正諸生課文亶亶不倦成就後學輿論咸推重焉

趙汴字友琴廷伋子以選貢官山東泰安縣知縣有政聲萬曆十五年晉省饑具奏陳情爲民請命捐俸佐賑全活甚衆又

安澤縣志

卷十一 人物

文苑

三十六

於城北施地一區立漏澤圃以收暴骨河東巡道給扁旌之晚年益精於學邑之名士多出其門著有行實錄傳世

清

張繼先字孚遠五馬村人歲貢生拔貢朝儀之孫歲貢謨之子也書香累世品端學優著有霍陽備考

宋集昌字漢臣本城人歲貢生博學能詩書宗二王品行端方一時景從者甚衆

孔廣心字正夫古縣鎮人乾隆己酉舉人任朔州學正勤於課士州之後進多有得其獎勵而掇巍科者其門人豎教澤碑以誌感

孫任道字紹文孫家寨人以廩貢授司鐸清介有文學爲時稱
譽署太谷教諭時獎勵後進亶亶不倦一時士類皆向實學
告養歸孝事雙親色養兼至自奉極約而能惠及友朋鄉人
賢之

李本字培之邑之北關人歲貢生家貧而力學每夜讀苦無燈
燭恆燃香炬以代日盡一帙過目不忘年十四應童子試邑
令見其文奇之遂冠軍逾學食餼學益進家益落嘗販煤以
自給爲文清新俊逸不落理障學使聞其貧周之不受以明
經卒於家著有渺粟山房詩草惜散軼未梓

薛鍾秀字美文邑廩生居古縣鎮性嗜學事親以孝食餼後嘗

安澤縣志

卷十一 人物

文苑

三十七

負笈就名師讀同學中有愈於已者每心拆之茶次主客談
笑偶舉詩書百家之說恭承默受所解有一二可取即鑄腸
鋟胃永矢弗諼教子嚴而有方凡耳目所習亦弗敢懈以故
學使案臨見公父子文多奇賞與子德洋德溥名冠一時遠
近學者皆知邑有三薛焉

薛德洋字淵甫鍾秀子拔貢生性敏達七歲能文及長博覽羣
書有經海之目每學使案臨屢拔前矛所爲制藝律賦華言
秀語奇論雄議層起疊發若春花亂放曉鳥爭嘯雖意之所
發與題詩虧時溢未克追蹤先輩其一二精卓之語雖金陳
復生不能不心折也第行年不永未獲展其經綸士林惜

之

薛德溥字周甫德洋弟邑之名諸生也少穎悟讀書多創見能發前人所未發爲文有豪邁氣惜與其兄德洋同赴玉樓之召著有文詩若干卷藏於家

劉三楷字直芳歲貢生羅家山人篤志力學與伯兄三重齊名爲人厚重方嚴不苟言笑通經史善屬文家極貧以舌耕餬口課徒數十年多所成就著有霍陽志異待梓

張天清字鶚秋邑之北關人歲貢淹雅有器度身長七尺衣冠其偉見者肅然起敬性宏裕好學不倦每搆一藝力開生面先達咸器重之惜屢薦未售賚志以沒

安澤縣志

卷十一

人物

文苑

三十八

張汝亭字雲衢天清之族姪也由拔貢候選州判改補太原府汶水縣訓道性情和平豐神俊偉好讀書博通經史爲文雄沈豪邁以唐宋爲宗邑令王喬南孔漱山兩先生曾延爲西席令訓其子弟工書法得柳公神理遒勁之氣直透紙背得其片紙隻字者視如拱璧春秋高主講開運書院訓迪後進善誘不倦有濂洛關閩遺風拔貢刑新銘訓導左天福皆其門下士也著有賞雨山房文集亦園詩草待梓

師鍾元字潛菴燒車村人邑之名諸生也瀟灑澹遠高出塵表與人處胸無畦町家貧而力學斷齏啜糠晏如也性嗜酒有淵明風親友置酒會飲招必至至必醉不以小節介意爲文

喜清真而厭綺靡講學北關時從學者甚衆幾至席莫能容因自顏其塾曰樂育書屋卒年七十有九卒之前一夕親書輓聯有一脫紅塵再不來之句亦可謂了然於去來者矣劉庚運字奎章號金川凌雲村人廩膳生少負奇氣讀書有特識爲文傲岸不羣如天外三峰拔地而立人莫測其設想所自學使某奇其文許以大器嘗設教安民堡一時從者甚衆如試用訓道左天成廩生劉步儀皆其門下士也

孟兆麟字石卿多穀村人邑之各諸生也性磊落貌魁梧博聞強識勤學不倦所爲制藝理解超妙魄力沈雄不在金陳之下與古縣鎮三薛齊名秋闈十餘次不第以青衿沒士林惜

安澤縣志

卷十一 人物

文苑

三十九

之

薛鈞字亦陶古縣鎮人廩膳生邑之名儒也品端方學淵博言笑舉止動法古昔人以道學目之能文章每構一藝滌瑕盪垢消渣融滓其堅卓之句一語抵人千百所謂精金百鍊擲他有聲者也詩律尤工著有醉菊軒詩草四卷惜沒後散佚未梓子聞達亦諸生民國元年公推爲縣議會常駐議員任事未幾以疾歸卒於家

薛鎔字冶亭古縣鎮人恩貢生君子人也性穎悟才敏捷博覽經史過目不忘其於通鑑綱目一書背誦如流有求宣講者無論何朝何代輒妙緒泉湧自始至終滔滔不絕俾聽者樂

而忘返以故坐上客常爲之滿而公亦樂藉此消遣而不厭也善屬文與乃兄鈞同爲時所稱人咸器重之子穎達邑諸生翩翩美少年也公歿亦相繼卒聞者惜之

邢新銘字商箴五馬村人性情和平豐神瀟洒通經史善屬文尤工書法得趙董之神理顏柳之筋骨適勁韶秀兼而有之且各體皆嫻名藉甚無論省寓家居求書者踵相接得之者莫不慎重珍藏以爲連城之璧不過也由拔貢考教習以教諭用歷署趙城芮城遼州代州以及汾陽等縣訓導啓迪後學善誘不倦年五十有五卒於晉省旅邸子天祺宣統乙酉選拔聞訃扶櫬歸里焉

安澤縣志

卷十一

人物

文苑

四十

左天錫字純蝦上治村人附生有負奇氣自命不凡一日讀少不努力老大徒傷之句慨然曰時不可失也遂立志讀天資高邁目過即了爲文務去陳言獨標新義年十七入邑庠邑令銀少李先生奇其才許以大器由是志益篤攻益力晝夜寒暑不輟至廢寢食詎攻苦太過竟致嘔血年十九遽赴修文之召聞者惜之

王邦俊字傑卿本城人歲貢生幼敏捷多才華有神童之目年十六入邑庠學使林公器重之爲文喜新奇而厭陳腐每構一藝力開生面其格獨創衆咸以折桂手期之公亦自負由是名愈切光緒己丑秋恩科公違和猶力疾赴省以冀一

第之榮詎意金榜未挂人間玉樓已成天上竟於入闈之前夕應修文好召聞者憐之

張立政字宰衡安民堡人廩膳生性穎悟美豐姿淹貫經史博通古今善屬文理解超妙不落恆蹊與本堡趙君重信相伯仲同爲時所稱無如文齊福不齊年二十九遽赴玉樓之召士林惜之

趙觀瀾趙觀德高城人昆弟也俱增生幼聰慧多才華讀書過目成誦爲文以清醒靈三字爲宗旨喜簡潔惡枝蔓其文筆超拔新奇允稱傑構一時名並著號二難咸豐八年歲試兄弟同案入庠而德冠軍瀾次之花萼聯芳光耀閭里學使岳

安澤縣志

卷十一

人物

文苑

四十一

公以岳邑此次文風爲平郡冠云

趙重章字倬雲子成弟初字倬漢雲邑候楊梅丞所贈表德也封翁希皞公任甯邑司訓詩禮教育嚴而有方兄弟皆秉家學故所造多宏博爲人風度峻整氣象英邁通經術能文章每成一藝稿數易慘澹經營務令愜心貴當而後己光緒癸未瀘溪楊梅丞先生署岳篆下車觀風奇其才以大器期之與茂才王傑卿邦俊王仲明之哲特加優異召入署課舉子業末二年制藝成帙擬付剗劂適先生以忤上峯意去官未果後登乙酉拔萃科春明朝考不第遂灰心仕進不以進取爲意鄉試數次薦而未遇由是放浪形骸不擇養生術歲乙

未設帳於洪邑截溝村王紳家得瘖疾歸未幾卒時年四十
有一士林痛惜之

孫念祖字思葦孫家寨人貢歲生性純篤貌樸誠長厚君子也
幼而嗜學博通墳典爲文剝膚存液鍊氣歸神其精卓之句
擲地有金石聲與其弟志祖齊名同爲邑令銀公所賞識志
高尚隱居不仕以明經終焉

孫志祖字述堂孫家寨人同治癸酉科選拔光緒己卯舉於鄉
幼穎悟負奇才氣宇軒昂見之者咸目爲燕趙之士不知其
爲晉人也好讀書博通經史爲文獨開生面不落前人窠臼
其奇論宏議沈雄豪邁有俯視一切之慨與其兄念祖齊名

安澤縣志

卷十一

人物

文苑

四十二

同爲時所稱邑令銀少李先生均器重之謂之孫氏雙鳳性
至孝以區區一第不逮親存念及庭訓輒追恨泣下父喪經
營窀穸悉遵古禮塋地去村六七里日必兩次親往指揮督
修月餘不懈嘗戒兒曹曰父母大事一而不再稍有不慎則
悔疚滋萌若芒刺負背則終身不釋矣母病視湯劑守程子
事親不可不知醫之言因究心方書親撰四言藥性賦以便
誦記母病屢賴以痊後以大挑官山陰懷仁訓導兼署應州
學正誘掖後進疊疊不倦一時從游者甚衆如閻君鴻舉候
君文煥及山陰令許雁江之次公子育璈皆其門下士也清
鼎革解組歸子林生以丁酉選拔公舉孝廉方正分發直隸

試用直隸州州判現任第一科科长識者謂其淵源有自云
趙重文字郁堂亦字漁塘子成弟希皞公第三子也恩貢生試
用教諭丰姿清秀氣度瀟灑翩翩若玉堂中人物有雋才善
屬文落筆清新俊逸不染塵氛以故歲科試輒列前茅秋闈
屢上未售性豪爽灑脫有名士風不以家業仕進爲意工書
法尤精尺牘橐筆遊幕出入於郡守大令之門者二十餘年
所至皆有聲歸家後清貧自守閉戶讀書不以事物累心晚
年又澄心佛果募修本堡觀音堂關帝閣等處民國紀元充
縣議會文牘員二年續修縣志任編纂並充宗聖會講長三
年充女子初等小學校教員四年一月卒於家時年六十云

安澤縣志

卷十一 人物

文苑

四十三

嗟乎花甲甫屆而玉樓應召蓋天上需一修文郎公名實爲
之讖也噫

耆碩

漢崇四皓唐著九老年高德邵自能羽翼國家若雞窠小兒徒
飲菊泉之水虛糜百歲奚取焉

明

趙崙弱柳村人性好善享壽八十餘歲恩錫壽官

趙九卿弱柳村人廷儼父齒德兼優恩錫壽官事蹟詳義行

陳一元本城人性高介不趨時好鄉里有隱君子目舉鄉飲者
十三次與伯兄一德皆登上壽詔錫壽官

張守德恩錫壽官

李應科恩錫壽官

安澤縣志

卷十一 人物

耆碩

四十四

黨應瑞北平人與弟應龍皆年高德邵詔錫壽官

賀景芳官太醫院吏目年高有德舉鄉飲三次

趙沂弱柳村人廷儼子鄉飲大賓

任汝孝本城人任緒之子可敬之父也鄉飲三次

喬洞德鄉飲大賓

趙瀛鄉飲大賓

清

孟主敬歲貢生性敦篤有古君子風年七十舉鄉飲大賓

劉祖漢羅家山人歲貢生德高望重年逾古稀舉鄉飲大賓

薛廷選字殿楊古縣鎮人太學生齒德兼優乾隆六十一年奉

旨赴千叟宴錫賚甚優親友表其門富春釣叟
孫爾觀字上賓孫家寨人以子貴貤封修職郎乾隆六十一年
重赴千叟宴欽賜詩杖荷包銀牌等八色望重一鄉里人榮
之

王大年賈村人歲貢生品學兼優齒德雙高嘉慶二十一年舉
鄉飲大賓

王恩湛和川鎮人恩貢生以齒德重於鄉嘉慶年舉鄉飲大賓
李璉玉皇圪塔人年高有德舉鄉飲耆賓邑令旌其門曰憲老
乞言

任步蟾本城人以恩詔錫九品壽官

安澤縣志

卷十一 人物

耆碩

四十五

劉玉成喬岳堡人以恩詔錫九品壽官

張文本城人乾隆六十一年以恩詔錫壽官

趙占鼈字魁齋中堡人武庠生德行學問爲邑人所矜式道光
二十一年闔學公舉鄉飲介賓知縣董慶來旌其門曰圭璋
特達以子賡揚貴誥封修職郎

左復元上治村人年高有德好善樂施邑令旌其門曰品高月
旦

李凌元辛莊村人恩貢生品端學優年高德邵闔學舉鄉飲大
賓

劉秉德字性齋高崖莊人拔貢劉致中之曾祖父也生平好善

樂施鄉望素孚醫精於外科療病施藥未嘗受人分文咸目
之曰劉善人齒德兼優道光年舉鄉飲耆賓邑令匾其門曰
行端表正

趙炳烺字文明安民堡人歲貢生品學兼優齒德俱備同治三
年闔學公舉鄉飲大賓工書法得顏歐神理 聖廟內東西
掖門所書宮牆獨峻美富在中等字皆其親筆也

趙捷陞字克三安民堡人武庠生性直爽無私曲好排難解紛
喜雪不平里人欽服同治七年闔學公舉鄉飲介賓廣文阮
秀升旗匾曰躬耕是務

張鳴岐字興周安民堡人由武庠生議叙衛千總端方正直鄉
安澤縣志
卷十一 人物 耆碩
四十六
里咸欽光緒二年闔學公舉鄉飲介賓廣文韓克昌升旗匾曰
達尊兼備

弓銳洪亢驛人貢生有隱德鄉里重之乾隆年舉鄉飲大賓期
壽 附

李正義一百二歲

李茂森九十七歲

劉發隆九十一歲

趙宗盛九十歲

賈天真八十九歲

韓 潔八十八歲

劉廷魁八十七歲

樊居泰八十七歲

李馥八十六歲

李存傑八十六歲

常淡汪八十五歲

黨文光八十三歲

張興富八十二歲

張清揚八十一歲

趙祥洪八十一歲

李長祿八十歲

安澤縣志

卷十一

人物

耆碩

四十七

王天保八十五歲

馮繼國八十二歲

楊興盛八十四歲

師慶壽八十一歲

解步陞八十六歲

孟福龍八十二歲

孫進福八十二歲

流寓

馬周寓新豐季子流洛陽士生淪落不偶古今有同慨也然既爲前賢所托足則其人其事有足傳者不得謂無關於邑乘而急之也

漢

鄧伯元漢時人隱霍山見神仙傳

王元甫漢時人神仙傳云鄧伯元王元甫隱居霍山服青精飯登真訣注云青精飯以南燭草汁浸米蒸飯曝乾其色青如黧珠食之延年

明

安澤縣志

卷十一

人物

流寓

四十八

韓昌洪洞縣人忠定公韓文之曾祖也世以醫傳有隱德洪武初避兵岳麓遇異人授秘術醫不診脈一望卽知死生遠方來者藥之輒效有不可卽教以備後事其言悉驗時稱神醫

清

李蓮字夢白蒲州孝廉博學工詩善畫梅時稱梅花先生邑令宣公延主開運書院講席循循善誘從之遊者多有成就邑令王喬南先生加敬禮焉爲人樸茂謙和與人交不立崖岸性好山水設教屏風山文昌宮時講授之餘偕生徒山澗游覽歸則以詩紀之在岳先後十餘年凡邑之名勝題詠殆遍著有臥雲山房詩集待梓

金廷弼字良輔江蘇舉人以事至太原邑令傅方舟先生延主書院講席性謙沖善八分書工岐黃無貧富有求輒應在岳十餘年訓迪後進多有成立卒葬霍山之麓

釋道

釋宗清淨道尙虛無二氏之教爲宣聖所弗道然而僧綱道紀設有司錄但能守彼清規何必斥爲異教况精持戒律明心見性頗有足稱者乎至若弄丸承蜩點金雨粟技雖小不無可觀故並錄之以附諸存而不論之列

照正大覺寺僧洞曉禪機圓寂時年九十有九後五日人於霍山頂見其肩挑隻履穿雲去

安澤縣志

卷十一 人物

釋道

四十九

普仁大覺寺僧嘗誦經於醒夢亭一日方誦法華忽有白鶴飛集於側若聽經狀誦已三揮乃去

妙蓮大覺寺僧刻修戒行年七十坐化

心榮圓覺寺僧以戒自持性高古博通經史爲諸方士領袖年八十餘歲園寂

賈和尚雲游僧挂錫於大覺寺搖鈴募銅五年鑄成四佛一日坐化人咸夢空中笙簫迎去

成道人名眞智得服眞秘訣年八十五鶴髮童顏嘗隱棲於霍山頂眞武廟順治十六年二月念三日諭二徒曰三月朔日吾當坐化可預造一木樓裝葬至期二徒聞菴內有霹靂聲

趨視之頂裂氣絕端坐如生後二日東來人云昨於山中見
眞智道人曳杖而行

方技

附

師敬謙燒車村人遠望村外二羊觸水趨視之乃書二冊取回
密讀久而能騎轆軸騰空夜行一二千里後與僕同騎轆軸
赴揚州觀燈主僕相失僕被地方盤詰送官審其來歷差人
向原籍拏謙謙行遇水遁去

